
Saknr: 2020/41629-1
Saksbehandlar: Åge Avedal

Saksgang

| Utval | Utv.saknr. | Møtedato |
|--|------------|------------|
| Hovudutval for kultur, idrett og integrering | | 17.03.2020 |

Tilskot til drift av regionale barne- og ungdomsorganisasjonar

Forslag til vedtak

1. Hovudutval for kultur, idrett og integrering vedtek retningslinjer for tilskot til drift av regionale barne- og ungdomsorganisasjonar.
2. Tilskot til drift av regionale barne- og ungdomsorganisasjonar blir lyst ut med søknadsfrist våren 2020. Hovudutval for kultur, idrett og integrering gjer endeleg vedtak om fordeling av tilskot etter søknadsfrist.
3. Det vert sett av 1 700 000 kroner frå posten *Ymse barne- og ungdomsføremål* til ordninga.

Samandrag

Hordaland og Sogn og Fjordane fylkeskommunar har tidlegare støtta dei frivillige regionale barne- og ungdomsorganisasjonane gjennom midlar frå fylkeskommunen. I budsjettvedtaket i fylkestinget vart det sett av 2,152 millionar kroner til *ymse barne- og ungdomsføremål*, der midlane skal gå til barne- og ungdomsfeltet generelt og organisasjonslivet spesielt. Fylkesdirektør vil lyse ut ei tilskotsordning til dei regionale barne- og ungdomsorganisasjonane, og kjem i denne saka med forslag til retningslinjer for denne.

Per Morten Ekerhovd
fylkesdirektør

Ronny Skaar
seksjonssjef

Saksframlegget er godkjent elektronisk og har difor ingen handskriven underskrift

Vedlegg

- 1 Retningslinjer - tilskot til drift av regionale barne- og ungdomsorganisasjonar

Saksutgreiing

Bakgrunn for saka

Regionalt ansvar

Vestland fylkeskommune vil fremje eit sterkt, mangfaldig frivillig og profesjonelt kulturliv. Regional plan for kultur i Sogn og Fjordane 2019-2027, *Kultur for alle*, og regional plan for kultur i Hordaland 2015-2025, *PREMISS: KULTUR*, er styrande for kulturpolitikken i Vestland. Eit viktig verkemiddel for å nå måla i dei regionale planane er tilskotsmidlar til kulturfeltet i fylket.

Vestland fylkeskommune skal gjennom tilskotsordningar stø opp om aktivitetar og tiltak med regional verdi. I tråd med kulturlova er det kommunane som skal leggje til rette for og sikre eit breitt lokalt kulturtilbod der folk bu. Fylkeskommunen si rolle er å vere ein regional utviklar, og ha oversyn og sikre tilgjenge til meir spesialiserte eller regionale kulturtilbod.

Budsjettmidlar

Fylkesdirektøren vil gjennom ordninga *tilskot til regionale barne- og ungdomsorganisasjonar* sikre midlar til drift til regionale frivillige barne- og ungdomsorganisasjonar som fremjar deltaking og engasjement i organisasjons- og samfunnslivet. Tilskotsordninga vil vere aktuell for barne- og ungdomsorganisasjonar som ikkje har høve til å søkje driftsmidlar gjennom andre fylkeskommunale eller statlege tilskotsordningar, t.d. innan idrett, friluftsliv, partipolitisk arbeid, trussamfunn og driftstilskot til kulturorganisasjonar.

Fylkestinget har sett av midlar i budsjettet for 2020 til barne- og ungdomsorganisasjonar og andre barne- og ungdomsføremål gjennom posten *Ymse barne- og ungdomsføremål* med 2 152 000 kroner. Fylkesdirektør vil fremje forslag om at det vert sett av 1,7 millionar kroner frå denne posten til tilskotsordninga til drift av regionale barne- og ungdomsorganisasjonar.

Dei resterande midlane frå posten *Ymse barne- og ungdomsføremål* kan i 2020 bli nytta som tilskot til organisasjonar fylkesdirektøren ønskjer å flytte til andre tilskotsordningar der dei meir naturleg høyrer heime, slik som *tilskot til inkludering og mangfald* og *tilskot til prosjekt og tiltak - frivillig kulturliv*. Fylkesdirektøren meiner dette vil gjere tilskotsordninga til regionale barne- og ungdomsorganisasjonar meir reindyrka, men ønskjer samtidig å leggje til rette for at organisasjonane ikkje skal tape økonomisk på å bli flytta til andre tilskotsordningar. Nokre av midlane vil også bli nytta til arbeid med opplæring, nettverksbygging og møteplassar for frivillige barne- og ungdomsorganisasjonar i 2020. Fylkesdirektør vil kome tilbake til fordelinga av dei resterande midlane frå posten i eiga sak til hovudutvalet.

Tilskotsmidlar til organisasjonar som ikkje fell inn under denne ordninga

Tilskot til drift av regionale barne- og ungdomsorganisasjonar skal rette seg mot organisasjonar som ikkje har driftsstøtte gjennom andre ordningar. Det finst andre tilskotsordningar til regionale organisasjonar på barne- og ungdomsfeltet. Organisasjonar som fell inn under andre ordningar, kan ikkje bli støtta gjennom midlar frå denne ordninga. Når det gjeld idrettsfeltet, ligg Vestland idrettskrets på eiga linje i driftsbudsjettet til Vestland fylkeskommune. Vidare har Kulturdepartementet sidan 2000 hatt ei tilskotsordning som rettar seg spesifikt mot lokale lag og foreiningar som har idrett og fysisk aktivitet for barn og ungdom som hovudaktivitet. Denne ordninga heiter [Tilskudd til lokale lag og foreningar](#) og er også kjent som LAM (lokale aktivitetsmidlar). I 2019 fekk lokale lag og organisasjonar i Hordaland og Sogn og Fjordane til saman tildelt 45 528 385 kroner frå ordninga.

Fylkesdirektøren tilrår at det i retningslinjene vert presisert at organisasjonar som kan få støtte frå statlege organ på regionalt nivå (t.d. via fylkesmannen) ikkje kan få støtte gjennom denne tilskotsordninga. Det finst statleg finansierte tilskotsordningar til drift av [politiske ungdomsparti](#) og [trus- og livssynssamfunn](#). Dette er ei endring av retningslinjene samanlikna med ordninga slik ho har vore i Hordaland. Fylkesdirektøren meiner det er fornuftig å unngå dobbel offentleg finansiering av drift av organisasjonar. Ei dobbelfinansiering vil ikkje vere rettferdig ovanfor organisasjonar som ikkje har høve til dette. I praksis vil ein kunne følgje dette opp ved at søkjarane blir bedt om å krysse av for om dei mottok anna offentlege driftsstøtte for det regionale arbeidet eller ikkje, samt ved gjennomgang av vedlagt rekneskap frå organisasjonane som søker.

Tilskot i dei tidlegare fylka

Sogn og Fjordane fylkeskommune har dei seinare åra lyst ut kulturmidlar som éi ordning med to typar tilskot - til drift og til prosjekt og tiltak. Både frivillige organisasjonar, profesjonelle kunst- og kulturinstitusjonar og kunstnarar i det frie feltet har hatt høve til å søkje om støtte frå kulturmidlane. Frivillige barne- og ungdomsorganisasjonar har fått tilskotsmidlar gjennom kulturmidlar til drift. Følgjande regionale barne- og ungdomsorganisasjonar har fått tilskot i Sogn og Fjordane fylkeskommune dei siste to åra:

| Organisasjon | Tilskot 2018 | Tilskot 2019 |
|--|----------------|----------------|
| KFUK-KFUM Sogn og Fjordane | 90 000 | 90 000 |
| 4H Sogn og Fjordane | 300 000 | 300 000 |
| Sogn og Fjordane krins av KFUK-KFUM-speidarane | 15 000 | 15 000 |
| Sum: | 405 000 | 405 000 |

I tillegg har fleire andre regionale kulturorganisasjonar med aktivt barne- og ungdomsarbeid, men der størstedelen av medlemene er over 26 år, fått driftstilskot gjennom kulturmidlane.

Hordaland fylkeskommune har dei seinare åra lyst ut ei eiga tilskotsordning til drift av barne- og ungdomsorganisasjonar. Følgjande regionale barne- og ungdomsorganisasjonar har fått driftsstøtte gjennom ordninga dei to siste åra:

| Organisasjon | Tilskot 2018 | Tilskot 2019 |
|---|------------------|------------------|
| 4H Hordaland | | 61 466 |
| ARBEIDERNE UNGDOMSFYLKING | 44 115 | |
| BJØRGVIN KRETS AV NORGES KFUK-KFUM speidere | 29 014 | 29 720 |
| BJØRGVIN KRETS AV NORGES KFUK-KFUM | 65 759 | 64 833 |
| CISV HORDALAND FYLKESLAG | 44 680 | 39 324 |
| DE UNGES ORKESTERFORBUND HORDALAND | 32 964 | 40 373 |
| FRELSEARMEEN Vestre divisjon, avd.FAbU | 18 685 | 19 686 |
| HAUGALAND KFUK-KFUM-SPEIDARAR | 20 207 | 20 133 |
| HAUGALAND KRETS NORGES KFUK KFUM | 19 852 | 18 740 |
| HORDALAND BARNE & UNGDOM SJAKK | 27 911 | 22 718 |
| HORDALAND KRINS AV NORGES SPEIDERFORBUND | 57 457 | 62 140 |
| Hordaland Natur og Ungdom | 41 137 | |
| Hordaland Røde Kors | 93 038 | 82 727 |
| HORDALAND UNGDOMSLAG | 48 014 | 51 577 |
| HORDALAND / VESTLAND UNGE VENSTRE | 22 913 | 20 085 |
| HYPERION VEST | 52 639 | 40 719 |
| INDREMISJONSSAMSKIPNADEN | 44 379 | 41 289 |
| Junior og barneorganisasjonen Juba, Hordaland krets | 14 731 | |
| KRIK Hordaland | 60 948 | 47 167 |
| NLM Ung Region Vest | 39 355 | 42 782 |
| NKSS Region Vest | 27 875 | 30 701 |
| RYVARDEN KRETS AV NORGES SPEIDERFORBUND | 21 975 | 22 422 |
| SØNDAGSSKOLEN BERGEN KRETS | 46 302 | 50 332 |
| SØNDAGSSKOLEN Karmsund-Sunnhordland krets | 24 857 | 28 976 |
| UNG I KOR - VEST | | 40 703 |
| UNG KYRKJESONG VEST | 36 306 | 49 620 |
| UNGDOMSUTVALGET I HORDAKRINSEN | 64 887 | 71 857 |
| Sum | 1 000 000 | 1 000 000 |

Retningslinjene

Fylkesdirektøren foreslår ei vidareføring av tilskotsordninga til drift av regionale barne- og ungdomsorganisasjonar, med enkelte endringar i retningslinjene.

I Hordaland fylkeskommune har tilskot til regionale barne- og ungdomsorganisasjonar vore tildelt utifrå ei kvantitativ utrekning som gjeld aktivitet og tal medlemmer i kommunane, samt teljande medlemmer under 26 år i organisasjonane. Vidare har faktorar knytt til kjønnsrepresentasjon, ungdomsrepresentasjon i styret i fylkesleddet, samt om organisasjonen har meir enn halvparten av medlemene i aldersgruppa under 26 år gitt utslag.

Fylkesdirektøren tilrår å endre retningslinjene slik at søknadene også blir vurdert kvalitativt knytt mot føremålet i tilskotsordninga. På denne måten vil ein kunne gje støtte utifrå aktivitetsnivå,

opplæringsarbeid, utviklingsarbeid, samarbeidstiltak, om organisasjonen har tilsette og i kva grad organisasjonen arbeider for å oppfylle mål og satsingar i dei regionale kulturplanane.

Fylkesdirektøren meiner det er viktig at det ved tildeling av tilskot blir tatt omsyn til at ein har hatt ulike støtteordningar i dei to tidlegare fylkeskommunane, slik at organisasjonar ikkje risikerer stort inntektstap i 2020.

Fylkesdirektøren tilrår ein gjennomgang av kva organisasjonar som skal høyre under tilskotsordninga slik at den på best mogleg vis fyller føremålet om å legge til rette for aktivitetar for barn og unge under 26 år. Det vil vere aktuelt å flytte enkelte organisasjonar som har fått støtte gjennom ordninga i Hordaland fylkeskommune til andre tilskotsordningar, der dei meir naturleg høyrer heime. Fylkesdirektøren vil ta omsyn til at ein har hatt ulike tilskotsordningar i dei to tidlegare fylkeskommunane. Samtidig er det vedtatt nye tilskotsordningar til drift av kulturorganisasjonar og til organisasjonar som arbeider spesielt for å fremje mangfald og inkludering.

Fylkesdirektøren vil evaluere tilskotsordninga til drift av regionale barne- og ungdomsorganisasjonar når første søknadsåret er omme. Vi vil bruke 2020 til å hauste erfaringar, og vil eventuelt justere tilskotsordningane frå 2021.

Vedtakskompetanse

Hovudutval for kultur, idrett og integrering, jf. vedteke reglement for hovudutval for kultur, idrett og integrering, punkt 3.

Vurderingar og verknader

Økonomi: Tildelinga er i samsvar med budsjett. Tilskotsordningar på kulturfeltet er eit økonomisk verkemiddel og står sentralt i den regionale kulturpolitikken til Vestland fylkeskommune.

Klima: Ikkje relevant.

Folkehelse: Dei regionale barne- og ungdomsorganisasjonane driv viktig folkehelsearbeid.

Regional planstrategi: Regional plan for kultur i Sogn og Fjordane 2019-2027, *Kultur for alle*, og regional plan for kultur i Hordaland 2015-2025, *PREMISS: KULTUR* set mål for tilskot til kunst- og kulturføremål.

Konklusjon

Fylkesdirektør tilrår at det blir etablert og lyst tilskotsordning for drift av regionale barne- og ungdomsorganisasjonar. Det vert sett av 1,7 millionar kroner til ordninga i 2020. Ordninga byggjer vidare på Hordaland fylkeskommune si tilskotsordning, men søknadene vil i større grad bli vurdert kvalitativt opp mot føremålet til ordninga. Fylkesdirektøren vil ved tildelinga av midlar vere spesielt merksam på at organisasjonar ikkje skal tape store inntekter samanlikna med tidlegare tildelingar. Fylkesdirektør tilrår ein gjennomgang av kva organisasjonar som skal høyre under tilskotsordninga, og kva organisasjonar som meir naturleg vil høyre under andre tilskotsordningar.